

秀山志卷之十一

詩集 排律

今周王汝遊昭明祠

黃尊素

積雨繚生霽村前士女稀携將斗酒去往看綠陰肥廟
古圍松柏僧閒采蕨薇冠纓且暫解棋酒動相依幽鳥
啼春院殘碑映夕暉久濡人事裡遊賞却忘歸

秀山懷古

吳應辰

峻閣凌雲起奎光煥斗牛學山峰列秀華海浪凝秋陵
寢衣冠在春秋俎豆留詞占花塢夢臺沒鏡潭鈎八月

秀山志

卷之十一 詩集

一

靈旌閃千家畫鼓浮凭闌思帝子浦水去悠悠

文選樓

貴池 陳秉遇

帝子臨秋浦岑樓峙碧瀆山環羈宿鳥野濶縱流雲活
潑池魚躍縹緗架帙分棖題眠瓦鼠翰墨襲書芸石室
跨群彥蘭亭黜右軍六朝人已逝百代韻猶芬處處靈
旌動家々画鼓聞只今登選閣憑眺思殷勤

前題

貴池 吳一龍 雲馭

少海銀濤遠蕭梁事可推澡心能抗法稽古切披帷孝
著千秋範文垂七代師金科嚴格律玉尺定龜著得入

青錢選俱成黃絹詞六臣襄大業兩漢遜良規翠葆臨
秋浦嘉名錫貴池樓橫雲靉靄總豁樹參差展卷香盈
袖揮毫酒滿卮雨花臺寂寞同泰寺迷離獨擅圖書府
長存篆隸碑憑欄時俯仰對景憶追隨奮籍藏瑤匣遺
容肅令儀祀縈書帶草簾拂杖頭藜大雅頻懷昔風流
尚在茲軒晴泥紫燕林曉轉黃鸝杜塢停朱幃齊峰暎
畫棖澤灤秋水鱖烟鎖釣臺詩徙倚花侵帙徘徊月到
墀閣中人已邈餘韻繫遙思

謁昭明廟

貴池姚志鵠作謀

秀山志

卷之十一 詩集

二

帝子歸何處巍峩仰玉宸六朝颺聖德百代荐明桎屏
却繁華境蕭然物外身秀山千古韵秋浦萬家春澤濟
仙橋遠文留選閣新臨風無限思溪上獨垂綸

謁昭明祠

貴池章洪覽篤瞻

南朝推斗望梁代著芳聲仁孝全天性文章冠世英潛
龍辭玉闕驅馬出金城為選山川勝閒搃月旦評鳥鳴
無俗韵泉溜有餘情載米周飢乏攤書握鑒衡橋峰空
伏劍緹嶺不吹笙廟宇千秋寄恩波奕模賡榘題重鼎
煥燕雀賀新成瞻仰抒忱悃前星分外明

秀山

貴池查孔鐸子振

秀山名勝地空翠聳前村山水相環帶烟霞互吐吞樓
高懸日月殿敞壯乾坤蓮沼空雲影星橋過雨痕披文
登選閣把酒對芳園節易花更發時移鳥互喧松風吹
曉霧竹露點秋根帝子歸何處芳踪千古存

秀山懷古

青陽吳紀理之

芳躅空千古清風鎮六朝龍游秋浦遍魚美貴池標臺
逝垂綸久樓藏選閣饒明裡馨俎豆陵寢悚芻蕘純孝
膺殊典歡歌續雅韶秀山增式廓淨土遠塵囂崖聳金
秀山志

卷之十一 詩集

三

燈射潭澄玉鏡照蠟鵝冤已白笙鶴韻長邀環碩瓊琚
在歸依翰墨招稱觴丹桂馥降福碧梧飄既慶烽烟熄
尤欣戾氣消昇平文蔚起靈爽默甄陶

文選樓

東流張正沛作霖

帝子聲名舊長留石室文羣言傾瀝液高致壑塵氛藝
圃分涇渭詞林息糾紛曹劉供挹注班馬快濃薰緗帙
明生浪牙籤靜拂芸鏡潭秋映月鶴禁畫樓雲少海波
長在前星彩自分騷壇誰嗣響新斂鶴鵝軍